

Lacus.

Flumina

Nunc ordo & methodus nostra postulat, ut Lotaringiæ suos amnes clariores demus, paucula de Lacubus præmittentes. Stagna habet piscosa & Lacus. Inter quos memoratur ille, cuius ambitus est quatuordecim milliarius, in quo Carpiones insolitæ magnitudinis, trium videlicet pedum; saporis vero adeo grati, ut aliarum regionum carpiones suavitate multo superent. Ex hujus Lacus piscatione tertio quoque anno Dux Lotaringiæ sedecim percipit Francorum millia. Fluminibus irrigatur celeberrimis *Mosa, Mosella, Saravus, Volola, Mortana, Murta, Sella, Hida*, & aliis. De *Mosa* ad Inferiorem Germaniam. Reliqui ad hanc Ducatum proprie pertinent: *Mosella* quidem & *Saravus* potiore parte, ceteri fere integri. Oritur *Mosella* in monte Vogeso, haud procul Araris fontibus, paulo supra Vicum, qui vulgo *Bussan*: lapidumque ab Vulturno ad Caurum, perlustratis Opidis, qui vernacule *l'Estrait, Remiremont, Espinal, Charmes, Bains* flexoque ab Oriente in Occidentem cursu, recta petit *Tullum*, Urbem Episcopalem, unde in Orientem refluens, *Fruardum* usque versus Aquilonem tendit: visisque Mediomatricibus, Trevirensibus aliisque Populis, ad *Confluentiam*, cui ab re nomen, Rheno confluit. Germanis *Mosel*: Gallis *Moselle*, *Obringos* putatur ab Rhonano, & aliis *ptolemæo* dici lib. 11. cap. 11. *Ioannes* tamē Heroldus *Obrington* apud *Ptolemæum* non Fluvium esse notat, sed designari Tractum eum ad Rhenum, qui nunc temporis *Ober Rhingam* appellatur: *Clementiam* *Trelæus* *Mosellanus* restatur ut scribit *Abrahamus Ortelius*, quendam ad *Mosellam* Tractum *Obrington* nomen hætenus retinere. *Mosellam* singulari doctoque Carmine celebrat *Ausonius Eidyll*, 111 ab *Aque* limitudine, Navigandique facilitate: Villis Atriisque, quibus utraque ripa decoratur: Piscibus *Capitone, Salmo, Redone, Umbra, Barbo, Salmone, Mustella, Perca, Tinca, Alburno, Alausa, Gobio & Siluro*, quibus abundat; Fluminibus denique in ipsum decurrentibus *Pronæa, Nemesa, Sura, Gelbi, Erubro, Lesura, Drahona, Salmona, Saravus, Alfontia*. *Mosellam* & *Ararim*, facta inter utrumque fossa, connectere, Imperatore *Domitio Nerone*, adgressus est *L. Vetus*; ut *Copiæ* ex Italia per Mare, dein *Rhodano*, & *Arare* subvectæ per eam fossam, mox fluvio *Mosella* in *Rhenum*, exin in *Oceanum* decurrerent: sublatisque itinerum difficultatibus, navigabilia inter se *Occidentis Septentrionisq. littora* fierent, uti scribit *Cornelius Tacitus* lib. 11. De hoc *Ausonius*:

*Te fontes vivique lacus, te cœrula noscent
Flumina: te veteres pagorum gloria, luci:
Te Druna, te sparsis incerta Druentia ripis,
Alpinique colent Fluvii, duplicemque per urbem
Qui meat, & dextra Rhodanus dat nomina ripæ,
Te stagnis ego cœruleis, magnumque sonoris
Amnibus, æquorea te commendabo Garumma.*

Saravus, haud procul *Salmenibus* ortus, Fluviorum omnium qui in *Mosellam* exeunt est maximus: Navigiorum patiens, & aliorum Amnium, quos in se recipit, clarus lustratis urbibus opidisque, quæ vulgo *Sar-Burg*